

四庫全書

集部

欽定四庫全書

集部

古文集成卷七十四

詳校官中書臣沈 颺

助教臣常循覆勘

總校官檢討臣何思鈞

校對官助教臣卜惟吉

謄錄監生臣金 特

欽定四庫全書

古文集成卷七十

宋 王霆震 編

前癸集一

辭

秋風辭 并序 漢武帝

休齋曰

詩變而騷騷變而為辭皆可歌也詞則兼詩騷之聲而尤簡遠焉者漢武帝因

祠后土於汾陰作秋風辭一章凡三易韻其節短其聲哀此詞之權輿乎

上行幸河東祠后土顧視帝京欣然中流與羣臣飲

燕上歡甚乃自作秋風辭曰

秋風起兮白雲飛草木黃落兮雁南歸蘭有秀兮菊有

芳懷佳人兮不能忘

濟曰佳人謂羣臣也。休齋曰此三韻一葉。

泛樓船兮

濟汾河橫中流兮揚素波簫鼓鳴兮發棹歌歡樂極兮

哀情多少壯幾時兮奈老何

休齋曰六韻一葉錯雜成章亦楚詞之體也

連昌宮辭

元稹

東萊先生集註

連昌宮中滿宮竹歲久無人森似束又有牆頭千葉桃

風動落花紅簌簌宮邊老人為余泣小年選進因曾入

上皇正在望仙樓太真同凭欄干立

貴妃召內禁中號太真

樓上

樓前盡珠翠炫轉熒煌照天地歸來如夢復如癡何暇

備言宮裏事初過寒食一百六

荆楚歲時記去冬至百五日即有疾風甚雨謂

之寒食節

店舍無煙宮樹綠夜半月高絃索鳴賀老琵琶定

場屋力士傳呼覓念奴

開元天寶遺事念奴者善歌唱未嘗一日離左右每執板當席

顧盼左右帝謂妃子此女妖麗色媚人每轉聲歌喉則聲出於朝霞之上雖鍾鼓笙竽嘈雜而莫能遏

念

奴潜伴諸郎宿須臾覓得又連催特勅街中許燃燭春

嬌滿眼睡紅綃掠削雲鬟旋裝束飛上九天歌一聲二

十五郎吹管逐逡巡大徧梁州徹

曲名

色色龜茲

音丘慈

轟

錄續

番樂名

李暮摩笛傍宮牆偷得新番數般曲平明大

駕發行宮

明皇次蜀郡

萬人鼓舞途路中百官隊仗避岐薛

諸工楊氏諸姨車鬪風

貴妃三姊帝呼為姨封韓虢秦國三夫人

明年十月東

都破御路猶存祿山過驅令供頓不敢藏萬姓無聲淚

潛墮兩宮定後六七年

肅宗即位於靈武尊皇帝曰太上皇

却尋家舍行

宮前莊園燒盡有枯井行宮門闔樹宛然爾後相傳六

皇帝不到離宮門久閉往來年少說長安玄武樓成花

萼廢樓

名

去年勅使因斫竹偶值門開暫相逐荆榛櫛比

塞池塘狐兔嬌癡緣樹木舞榭歌傾基尚存文牕窈窕  
紗猶綠塵埋粉壁舊花鈿烏啄風箏碎珠玉上皇偏愛  
臨砌花依然御榻臨堦斜虵出燕巢盤鬪棋茵生香案  
正當衙寢殿相連端正樓太真梳洗樓上頭晨光未出  
簾影黑至今反掛珊瑚鉤指似傍人因慟哭却出宮門  
淚相續自從此後還閉門夜夜狐狸上門屋我聞此語

心骨悲太平誰致亂者誰翁言野父何分別耳聞眼見  
為君說姚崇宋璟作相公勸諫上皇言語切燮理陰陽  
禾黍豐調和中外無兵戎長官清平太守好揀選皆言

由相公開元欲末姚宋死朝廷漸漸由妃子祿山宮裏

養作兒

通鑑天寶十載召祿山入禁中貴妃以錦綉為大襦襦裏祿山使宮人以綵輿舁之上聞後宮

喧笑問其故左右以貴妃洗祿兒對上自往觀之喜賜貴妃洗兒錢復厚賜祿山盡歡虢國門前

鬧如市

見前注

弄權宰相不記名依稀憶得楊與李

楊國忠李

林甫凡在相位十九年

廟謨顛倒四海搖五十年來作瘡痂

羽軌切



今皇神聖丞相明

憲宗

詔書纔下吳蜀平官軍又取淮西

賊此賊亦除天下寧年年耕種宮前道今年不遣子孫  
耕老翁此意深望幸努力廟謨休用兵

延陵懷古辭

誠齋

予假守延陵蓋州來季子之墟也迨暇登城游目四  
顧慨然想見季子之風烈既而問諸故老古今之士  
或邑於斯或寓於斯者獨三人焉作延陵懷古辭

延陵季子

荆之溪兮澹以幽惠之山兮雲倂思君子兮不見莽草  
兮脩脩面兮吳兮東而坐背朱方兮北卧齊楚豈不彊  
而大兮吾王以妥賢於國其無裨兮不曰季子存而吳  
賀被幃者之覺言兮謂兆亡於遜王弗丕承於考心兮  
用五湖之與三江祀太伯其忽諸兮顧襲譽於子臧曾  
不知民無遜而不立兮自古皆有亡諏此岵與鋤箕兮  
疇莫知其重輕若干乘暨簞食兮絜豐約而則明迨躬  
逢而利怵兮亦幾何而靡爭謂吾札之不懿兮札亦恬

受而茹聲思復思兮君子乾坤毀而日月息兮則君子之亦死

蘭陵令

密雲兮終風健順閉兮罔寸蹊之通喟葵丘踐土而迹  
熄兮矧冀方岐山之與逢單崇谿以鑄兵兮靡遺蒲於  
董澤燕簾無趾而造齊廟兮楚眊而秦其魄鬪六王於  
一說兮微儀衍之古而不國嗟若先生兮雞知時之不  
如儲唐虞之故冕兮鬻洙泗之敝裾乘方輪與折軸兮

欲先鞭而疾驅豈不家捐而人棄兮載之萬世之事衢  
伊素王兮中都若蘭陵兮聖之徒征九伯而佩六印兮  
晞二邑宰而不得俱倘不欲以天球玉磬而貿康瓠兮  
嗟爾後死者其舍諸

東坡先生

吹赤壁之月笛兮瞻黃州之雪堂彈湘妃之玉瑟兮織  
天孫之錦裳招先生其來歸兮何必懷眉山之故鄉歷  
九州而猶隘兮誕寘之祝融之汪酌乳泉以當醴兮餐

荔子以為糧葺榕葉以作屋兮托枕柳之蔭以為堂驅  
海濤以入硯滴兮挽南斗文星於筆鉉昌黎兮歐陽視  
先生兮雁行韞不洩兮忠憤炯不揜兮文章乞鏡湖兮  
九關營菟裘兮是邦予之來兮云暮與先生兮相望視  
屐跡兮焉在問故宮兮就荒俯仰兮永懷渺山川兮蒼  
蒼

錄蝗蟲辭

孫因

嘗試掇蝗之魁傑者數輩置于前詰之曰使汝害稼天

歟人歟惟天惠民必不使爾為吾民痛也且食民天也  
汝啖民之天以餓其體膚天將汝誅矣速去毋久居頃  
之若有叩首揚眉趯趯而股鳴者聽之則曰今為害者  
豈我乎牟人之利以饜已之欲者非蝗乎食人之食而  
誤人之國者非蝗乎利口而邦之覆磨牙而民之毒者  
非蝗乎故窮竒饕餮虞之蝗也夷羿豷浞夏之蝗也受  
臣億萬商之蝗也蹶橐家伯仲允聚子周之蝗也齊豹  
庶其牟夷黑肱春秋之蝗也儀衍申韓楊墨列惠戰國

之蝗也。秋隹斯高，翦邯翳欣蝗於秦者也。酷吏游俠外  
戚佞宦蝗於漢者也。大者如是，小者不可算也。自漢而  
下，蝗日益盛，民日益病，蝗日益碩，民日益瘠。雖唐正觀  
開元間，號多樂歲，蝗未嘗熄也。嗚呼！其為害三千餘年矣。  
跼跼躍躍，實繁有徒，去之復生，芟之益蕪，其庸有既乎？  
必有良史持書屢書，而胡獨罪予。且夫節按常程，無非  
急征鬻獄，賣判價隨重輕，外托公計，內為己贏。若是者，  
不謂之蝗可乎？囊金櫃帛，峙如山岳，轉餽苞苴，道途盤

錯一筵之費或至千索咀嚼已竭未厭溪壑不稼不穡  
取禾三百若是者不謂之蝗可乎大昕退朝崇朝退食  
水珍陸羞映照巾幘是中其誰羔羊正直乘馬從徒呵  
哄塞衢鳴玉曳履鏘鏘步趨明旦封事問之則無月糜  
都內錢日廩太倉粟輔郡致醇醴京府飾居屋休問坎  
伐檀不論鼎覆餗若是者不謂之蝗可乎屯雲百萬耄  
弱相半問其所工鍼黹舄鍛負米已喘執券已汗褒衣  
麗襦市廛嬉愉私第一占終身晏如食粟而已烏知其



餘此冗兵之為蝗也官如傳舍彼長子孫所在朋曹蟄  
蟄詵詵舞文冒賄齧吾本根幸而黥涅復為官軍此吏  
胥之為蝗也傑閣廣殿金腹炳烜土偶蒙珠牆壁湧鈿  
黔首無知禍福驅煽此夷鬼之為蝗也節察防團遙刺  
等官本待有功豈為養安養安以佚坐糜厚秩率民戶  
百不足供一賊吏斥歸更得真祠豈念祠廩亦民膏脂  
推此以往其他可知貴介姻族乃及僮僕倚勢豪奪飛  
食人肉鼓吻弄翼道路側目凡此皆人其形而蝗其腹

者也其為民害章章如是若夫惰田之農淫浮之技曳  
縞之商纂組之女倚市門之子假飾衣冠之士瑣瑣碌  
碌者尚不與此然則豐年樂歲常有數十百億萬飛蝗  
在天下齬人骨髓豈特食稻黍而已況害稼者有時害  
民者無期害稼者遇官吏如魯中年則不入境遇人主  
如唐太宗則不為災而被害民者誰憚而不為邪然則  
今為害者豈特我邪愚愧其語書以為有位儆焉

錄蠹書魚辭

楊億

東萊集註

蠹書魚曰吾常游於文字間

韓雜詩古史散左右詩書置後前豈殊書蠹虫生死

文字間

文字有所殘缺者人則曰吾蠹之故目予曰蠹書

魚夫書豈吾蠹之邪昔者孔子脩春秋帝王之道取三代之政述而為經則謂之書其文要而簡其道正而一所以扶世而佑民示萬世常行不易之道也後世之有悖之者則其書或息其書息則聖人之道墮壞也斯得不謂之蠹乎文中子曰九師興而易道微三傳作而春

秋散齊韓毛鄭詩之末也大戴小戴禮之衰也

天地篇云

楊墨之言出而孔子之道塞

孟滕文公下

佛老之教行而堯

舜之道潛

韓原道

斯則易其九師之蠹乎春秋其三傳之

蠹乎詩其齊韓毛鄭之蠹乎禮其大戴小戴之蠹乎孔

子道其楊墨之蠹乎堯舜道其佛老之蠹乎魏晉以降

迄於今又有聲律對偶之言彫鏤文理刊刻典經浮華

相淫巧偽相銜廟削聖人之道離析六經之旨道日以

刻薄而不脩六經之旨日以解散而不合斯文其蠹也

書之蠹有自來矣而謂予曰蠹書魚予敢辭

古文集成卷七十

欽定四庫全書

古文集成卷七十一

宋 王霆震 編

前癸集二

辭

歸去來兮辭

并序

陶淵明

五臣註

銑曰潛為彭澤令是時郡遣督郵至縣吏當束帶見督郵潛乃歎曰我不能為

五斗米折腰向鄉里小兒乃自解印綬將歸田園因而命篇曰歸去來

胡仔茗溪漁隱叢話曰

韓子蒼云以淵明傳及詩攷之自庚子歲始作

建威參軍由參軍為彭澤令遂棄官歸是歲乙巳凡為吏者六歲故云疇昔居上京六載去還歸然淵明乙巳歲三月尚為參軍下一月去彭澤而云家貧耕植不足自給何也傳言淵明以郡遣督郵至即日解印綬去而淵明自序以程氏妹喪去奔武昌余觀此土既以違已交病又愧役於口腹意不欲仕久矣及因妹喪即去蓋其孝友如此世人但以不屈於州縣吏為高故以因督郵而去此士識時委命其意固有在矣豈一督郵能為之去就哉躬耕乞食且猶不耻而恥屈於督郵必不然矣

懶真子曰

淵明之為縣令蓋謂貧爾非為酒也耶欲弦歌以為三徑之資蓋欲得公

田之利以為三徑閑居之資用其非謂旋創田園也舊本云公田之利過足為潤後人以其好



酒遂易為過足為酒遂有公田種秫之說且仲秋至冬在官八十餘日此非種秫時也故凡本傳所載與歸去來序不同者當以序為正

**定齋曰**

世謂淵明歸去來詞亦得漢魏之賦體而為是詞予以為不然賦則漫衍其詞

體亦叢雜長卿長於叙事淵雲長於說理張平子而下着意以為之其律愈切而辭愈庾淵明蓋沛然出肺腑中不見斧鑿痕如首云歸去來兮田園將蕪胡不歸間又云歸去來兮請息交以絕游疑為二章而了無端緒此如莊列言大道縱橫飄忽而其中自有繩削但人不得而窺蹈之耳

**冷齋夜話云**

李格非善論文章嘗曰諸葛孔明出師表劉伶酒德頌陶淵明歸去

來辭李令伯乞養親表皆沛然肺腑中流出殊  
不見斧鑿痕是數君子在後漢末兩晉之間未  
嘗以文章名世而其詞意超邁如  
此是知文以氣為主氣以誠為主

東坡云

歐陽公言晉無文章唯陶淵明歸去來一篇而已

余家貧耕植不足以自給幼稚盈室

一作魚稚子盈室

鉗無

儲粟生生所資未見其術親故多勸余為長吏脫然

有懷求之靡途會有四方之事諸侯以惠愛為德家

叔以余貧苦遂見用為小邑于時風波未靜心憚遠

役彭澤去家百里公田之利

一作秣

足以為酒

一作過足為潤

故便求之及少日春然有歸歟之情何則質性自然  
非矯勵所得飢凍雖切違已交病嘗一作曾從人事皆  
口腹自役於是悵然慷慨深愧平生之志猶望一稔  
當斂裳宵逝尋程氏妹喪于武昌情在駿奔自免去  
職仲秋至冬在官八十餘日因事順心命篇曰歸去  
來兮乙巳歲十一月也

歸去來兮田園將蕪胡不歸既自以心為形役奚惆悵  
而獨悲悟已往之不諫知來者之可追翰曰悟已往之事亦不可諫而

來事亦可追改謂雖為實迷途其未遠覺今是而昨非

向曰言如人行迷失道路尚未遠可早迴也謂休仕也舟搖搖以輕颺風飄飄而

吹衣問征夫以前路恨晨光之熹微良曰日欲暮也乃瞻衡宇

載欣載奔僮僕歡迎稚子候門三徑就荒松菊猶存攜

幼入室有酒盈樽引壺觴以自酌盼庭柯以怡顏倚南

窗以寄傲審容膝之易安銑曰北郭先生妻云今結園

日涉以成趣門雖設而常關策扶老以流憩時矯首而

游觀濟曰策杖以扶老雲無心以出岫鳥倦飛而知還

弱周流而憩息也

景翳翳以將入撫孤松而盤桓歸去來兮請息交以絕

游世與我而相遺復駕言兮焉求悅親戚之情話樂琴

書以消憂農人告余以春一有及字將有事乎西疇或命中

車

濟曰巾飾也

或棹孤舟既窈窕以尋壑亦崎嶇而經丘

翰曰

謂行舡以尋之駕車以涉之也

木欣欣以向榮泉涓涓而始流羨萬物

之得時感吾生之行休已矣乎寓形宇內復幾時曷不

委心任去留胡為遑遑欲何之富貴非吾願帝鄉不可

期

濟曰帝鄉即仙都也

懷良辰以孤往或植杖而耘耔登東臯以

舒嘯臨清流而賦詩聊乘化以歸盡樂夫天命復奚疑

銑曰乘化謂乘其運會也

和淵明歸去來辭

并引 蘇東坡

東塾燕談曰

東坡和歸去來辭謂湯稼之終枯遂不溉而不籽蓋用嵇叔夜養生

論夫為稼於湯世偏自一溉之功者雖終歸於焦爛必一溉者後枯然則一溉之益固不可誣也

子瞻謫居昌化追和淵明歸去來辭蓋以無何有之

鄉為家雖在海外未嘗不歸云爾

出三峯蔡夢弼註

歸去來兮吾方南遷安得歸卧江海之瀕洞

淮南子鴻濛洞莫

知其

弔鼓角之悽悲迹泥蟠而愈深時電往而莫追懷

西南之歸路夢良是而覺非悟此生之何常猶寒暑之

異衣豈襲裘而念葛蓋得捫而喪微我歸甚易匪馳匪

奔俯仰還家下帷闔門藩援雖缺堂室故存挹我天醴

注之窪罇

窪俞矩切與窳同器空中也

飲月露以洗心殮朝霞而眩

顏混客主以為一伴婦姑之相安知盜竊之何有乃培

門而折闕廓園鏡以外照納萬象而中觀治廢井以晨

汲滂百泉之夜還守靜極以自作時爵躍而鯢桓歸去  
來兮請終老於斯游我先人之弊廬復捨此而焉求均  
海南與漠北挈往來而無憂畸人告余以一言非八卦  
與九疇方飢須糧已濟無舟忽人牛之皆喪但喬木與  
高丘驚六用之無成自一根而反流望故家而永息曷  
中道而三休已矣乎吾生有命歸有時我初無行亦無

留駕言隨子聽所之豈以師南華而廢從安期

唐法師成玄英

莊子疏序莊子姓莊名周字子休生宋國睢陽蒙縣師長桑公子受號南華真人。又劉向列仙傳安期先生



者琅瑯阜鄉人也賣藥於東海邊時人皆言千歲翁秦  
始皇東遊請見與語三日夜王賜八璧度數千萬出於  
鄉亭皆置去留書以赤玉舄一量為報曰後年求我於  
蓬萊下始皇即遣使者徐市盧生等數百人入海未至  
蓬萊山輒逢風波而還立謂湯稼之終枯遂不溉而不  
詞阜鄉亭海邊數十處云  
耕師淵明之雅放和百篇之清詩子瞻和淵明詩一百有九篇賦歸  
去來之新引我其後身蓋無疑

和淵明歸去來辭

蘇穎濱

予謫居海康子瞻以和淵明歸去來之篇要予同作  
時予方再遷龍川未暇也辛巳歲予既還穎川子瞻

卷七十一  
渡海浮江至淮南而病遂沒於晉陵是歲十月理家中舊書復得此篇乃泣而和之蓋淵明之放與子瞻之辯予皆莫及也示不逆其遺意焉耳

歸去來兮歸自南荒又安歸鴻乘時而往來曾奚喜而奚悲曩所惡之莫逃今雖歡其足追蹈天運之自然意造物之良非蓋有口之必食亦無形而莫衣苟所賴之無幾則雖喪其亦微吾駕非良吾行弗奔心游無垠足不及門視之若窮挹之則存俯仰衡茆亦有一尊既飯

稻以食肉撫簞瓢而愧顏感烏鵲之夜飛樹三繞而未  
安有父兄之遺書命却掃而閉闕知物化之如幻盍捨  
物而內觀氣有習而未忘痛斯人之不還將築室于西  
廡堂已具而無桓歸去來兮世無斯人誰與遊龜自閔  
於牀下息眇繇乎無求閱歲月而不移或有為予深憂  
解刀劒以買牛前龔遂傳拔蕭艾以為疇蓬累而行捐車捨  
舟獨棲棲於圖史或以佞而疑丘散衆說之糾紛忽冰  
潰而川流曰吾與子二人取已多其罷休已矣乎斯人

不朽誰知時時不我知誰為留歲云往矣今何之天地  
不吾欺形影尚可期相冬廩之億秭勤春壟之耘耔眎  
白首之章黻信稚子之書詩若妍醜之已然豈復臨鏡  
而自疑

和淵明歸去來辭

張宛丘

子由先生示東坡公所和陶靖節歸去來辭及侍郎  
先生之作命之同賦耒輒自憫其仕之不偶又以弔  
東坡先生之亡終有以自廣也

歸去來兮行世不偶余曷歸其出無所為喜兮舍去而  
何悲盼一世之無與兮古之人逝莫追求不疚於余義  
兮又奚恤餘子之是非彼好惡之罔極兮或顛倒其裳  
衣顧吾涉之已深兮媿哲人之見微吾歸甚安無所事  
奔既守吾室又杜吾門一氣孔神於中夜存納至和於  
靈根兮挹天醞於玄尊既充溢于幽闕兮亦粹然而見  
顏往有坎而茲夷兮昔或危而今安將從他人于西域  
兮面藏吏於函關將以一世為芻狗兮廢與興吾厭觀

彼福甌之一源兮必茲出而茲還彼自以為無隙兮何異夫石椁之桓歸去來兮吾悲斯人不返兮豈招仙聖與之游昔惠我以好音忽遠去而莫求余曷異於世人兮初為哽塞而增憂彼錢鏐則深藏兮盍視夫已墾之田疇萬古芸芸共逝一舟半夜而失旦號其丘畏達觀之謂余沛已泣而不流悟榮名之取憎兮善斯人之獲休已矣乎萬物之作各其時吾獨與時而去留豈或能力而違之既往莫或追來者尚可期蓋雨暝之在天豈

吾稼之不籽彼蜀雄之必傳作猶媿於書詩嗟身屈而  
道伸於斯人兮曷疑

和淵明歸去來辭

東萊先生集註

陳瑩中

歸去來兮人生之樂無如歸捨軀命而不保茲明哲之

所悲悼前言於既往古駟馬兮追

語十二惜乎夫子之說君子也駟不

及持孤願以取戮叢一身之百非心耿耿兮如醉淚浪

浪兮霑衣情犬馬兮恩厚

選曹植求通親親表臣伏以為犬馬之誠不能動人命

螻蟻兮力微乃瞻帝闕夢馳心奔俯步駕蹇魯嘶君門

筋力已竭皮骨空存煙不染突酒離空尊縱傷戚之盈  
抱遣飢渴而違顏先衆餒而獨飽非素懷之所安偶隻  
影而南驚度桂嶺之遙關賴皇明之獨照邁曦娥而監

觀

逸二句

稽白刃於槁頸察忠精之杵杵

潤明此句云撫孤松而盤桓

歸去來兮息心猿之外遊覓波鏡而不得奚泡像之可  
求聽自他之可幻寂閑忙之兩憂吾既知之矣又將以

告乎朋儔事海無際身如輕舟葵轉動以傾日

曹植通親親表

若葵藿之傾葉太陽雖不為之迴光然終向之者誠也

孤終盡而首丘

記檀弓古之人有言



曰狐死正丘首仁也

金百死而不化水萬折而東流審物性之莫

奪戒餘習之未休已矣乎岫雲舒卷各有時出者自出

留者自留誰能比迹而同之華胥非一途遊寢不可期

列黃帝篇黃帝晝寢而夢遊華胥氏之國

諒飢穰之莫易聊致力於耘耔感

子牟之昨夢

莊遜王篇中山公子牟謂瞻子曰繼天保身在江海之上心居乎魏闕之下

而成詩雖死生之事大矣安之若命復何疑

和淵明歸去來辭

并引

胡澹庵

子瞻謫居僑耳追和淵明歸去來辭邦衡遷新興亦

追和之東坡以無何有之鄉為家予則以醉鄉為家  
雖在嶺外未嘗不歸云爾

歸去來兮醉鄉吾家奚不歸蓋自賦形於大塊常少樂  
而多悲念隙駒之忽過驚脫兔之難追翁自號曰亡是  
冠奚名於却非寄天地以為宇何室廬之作衣猶太空  
之一塵悟此生之甚微樂哉痛飲萬象崩奔驚懼死生  
皆不及門大道自通非目而存萬壑雕俎百川窪樽盡  
鯨汲於一吸海揚塵而酤顏固弗知於乘墜亦何有於

危安不南望於冥山奚西出於陽關得壺觴之三昧忘  
露電之六觀付萬劫於一喘了羣迷於八還既何思以  
何慮亦無堂而無桓歸去來兮邈無期而獨游如去國  
之流人返故都兮焉求孰為寢而不夢孰為覺而無憂  
農人問余以田園視八荒而同疇悠然浮雲汎然虛舟  
非假道於麴封曷回車於糟丘蝶自適於化城魚相忘  
於清流任夫物之芸芸獨予心之休休已矣乎是中真  
樂無盡時萬戶不必須擇留胡為御風欲何之姑射寧

足羨華胥非所期自耕耘於何有豈稊稗之堪耔默超

無眼之禪妙入無聲之詩

一云靜不聞於雷  
寔妙不容於聲詩

聊優游以

卒歲坦然歸路復奚疑

古文集成卷七十一

欽定四庫全書

古文集成卷七十二

宋 王震震 編

前癸集三

辭

風雲亭辭

南軒

嶽麓書院之南有曾丘焉於登覽為曠建安劉公命作亭其上以為青衿遊息之地廣漢張拭名以風雲又繫以詞

眷麓山之回隩有弦誦之一宮鬱青林兮對起背絕壁  
之穹窿獨樵牧之往來委榛莽其蒙茸試芟夷而卻視  
翕衆境之來宗擢連娟之脩竹森偃蹇之喬松山靡靡  
以旁圍谷窈窈而潛通翩兩翼兮前張擁千峯兮後從  
帶湘江兮浮淥蠡遠岫兮橫空何地靈之久悶昉經始  
乎今公悅棟宇之宏開列闌楯之周重撫勝槩以獨出  
信茲山之有逢予揆名而諏義爰遠取於舞雩之風昔  
洙泗之諸子侍函丈以從容因聖師之有問各跼陳其

所衷獨點也之操志與二三子兮不同方舍瑟而鏗然  
諒其樂之素充味所陳之紆餘夫何有於事功蓋不忘  
而不助亦何始而何終於鳶飛而魚躍實天理之中庸  
覺唐虞之遺烈儼洋洋乎目中惟夫子之所與豈虛言  
之是崇嗟學子兮念此邈千載以希蹤希蹤兮奈何盡  
務勉乎敬恭審操舍兮斯須凜戒懼兮冥濛防物變之  
外誘遏氣習之內訐寢私意之脫落自本心之昭融斯  
昔人之妙旨可實得於予躬循點也之所造極顏氏之

深工登斯亭而有感期用力於無窮

濂溪辭

并序

山谷

舂陵周茂叔人品甚高胸中灑落如光風霽月好讀書雅意林壑初不為人窘束世故權輿仕籍不卑小官職思其憂論法常欲與民決訟得情而不喜其為小吏在江湖郡縣蓋十五年所至輒可傳任司理參軍轉運司以權利變其獄茂叔爭之不能得投告身欲去使者斂手聽之趙公閱道號稱好賢人有惡茂



叔者趙公以使者臨之甚威茂叔處之超然其後廼  
悟曰周茂叔天下士也薦之於朝論之於士大夫終  
其身其為使者進退官吏得罪者自以不寃中歲乞  
身老於湓城有水發源於蓮花峯下潔清紺寒下合於  
湓江茂叔濯纓而樂之築屋於其上用其平生所安  
樂嬾水而成名曰濂溪與之游者曰溪名未足以對  
茂叔之美雖然茂叔短於取名而惠於求志薄於徼  
福而厚於得民菲於奉身而燕及熒爚陋於希世而

尚友千古聞茂叔之餘風猶足以律貪則此溪之水  
配茂叔以永久所得多矣茂叔諱惇實避厚陵奉朝  
請名改惇願二子壽壽皆好學承家求余作濂溪詩  
思味潛德茂叔雖仕宦三十年而平生之志終在丘  
壑故余詩詞不及世故猶髣髴其音塵

溪毛秀兮水清可飯羹兮濯纓不漁民利兮又何有於  
名弦琴兮觴酒寫溪聲兮延五老以為壽蟬蛻塵埃兮  
玉雪自清聽潺湲兮鑒澄明激貪兮敦薄非青蘋白鷗

兮誰與同樂

津有舟兮蕩有蓮勝日兮與客就閒人間擘音兮不知  
何處散髮醉高荷為蓋兮倚芙蓉以當妓霜清水寒兮  
舟着平沙八方同宇兮雲月為家懷連城兮珮明月魚  
鳥親人兮野老同社而爭席白雲蒙頭兮與南山為伍  
非夫人攘臂兮誰余敢侮

游濂溪辭

并序 鄒夢

道州城西十五里有村曰濂溪保蓋周茂叔先生之

居也先生宦遊過九江愛廬阜不能歸故以濂溪榜書堂示不忘本山谷一世洽聞者也而曰有水發源於廬阜蓮花峯下茂叔樂之用其平生所安樂媿水而成名曰濂而近世大夫又謂本名廉溪先生子求詩於山谷避其叔父諱遂加以水且曰廉與濂義殊而音睽不應媿水以明其廉其說具載九江學宮先生祠堂記以專觀之俱失也粵廩粟道州考濂溪頗詳因暇日遊焉訪先生之遺迹且悼世人之惑也敢

述以辭

度營川之脩梁兮遡其瀕而走西路平原之瀾沱兮容  
飛蓋而並馳行將半於一舍兮折而涉于荒蹊漸林開  
而阜斷兮隱約聞乎犬雞亟引鞭而前望兮萃或丸而  
或茨逢翁問之奚所兮翁告予以濂溪閱民氏而皆周  
兮本其系之為誰伊茂叔之故家兮自鼻祖而占茲後  
昆出於兵燼兮逢掖淪於牛衣諏先生之所復兮已乎  
莫之知也從先生其已遠兮曷慰乎我之悲也雲山矗

而崇崇兮豈絕塵之姿也泉石激而泠泠兮抑弦誦之  
遺乎百卉秀而不枯兮豈道德之輝乎少長羣而不囂  
兮抑微俗之未衰乎彷徨乎奚忍徧而去之遂日暮兮  
既去而猶遲遲幸頽垣與敗級兮存故基而未夷還可  
耕者數畝兮昔帶經之所治森一丘之梧櫟兮亦夙喪  
之所規蓋求其他而弗得兮尚矚此而庶幾惟先生之  
蚤歲兮逢彼百罹奉親學於涇陽兮仕謀歸而願違故  
湓江之所築兮志此溪於門楣何山谷之不審兮指蓮

峯而實之病後之人迷益遠兮曰廉與濂義殊而音睽  
妄取濂而增水兮由媚客而請詩嘻其本之不覲兮宜  
所言之皆非吾聞南公之語此兮云權輿於唐之時元  
結之刺道兮事率愛奇以忠孝與直沆兮貢七泉而為  
題道之人祖結之故智兮溪得名之是依曰義殊而非  
類兮爾奚忠孝之不疑曰音睽而無取兮直與直亦參  
差而不齊故濂者以德而媿水兮遠矣昔人之所貽先  
生之桑梓兮他寓而是思何以療世之惑兮寄鍼砭於

此辭

古文集成卷七十二



欽定四庫全書

古文集成卷七十三

宋 王霆震 編

前癸集四

議

晉文公問守原議

柳子厚

東萊集註

左僖二十五年晉侯朝王王享醴命之宥請隧弗許與之陽樊溫原攢茅

之田冬晉侯圍原原降遷原伯貫于冀晉侯問原守於寺人勃鞞音字低對曰昔趙衰初危切晉大夫以壺飧從徑餒而弗食故使處原

東萊批

看回互轉換貫珠相似辭簡意多大抵文字使事須下有力言語

晉文公既受原於王難其守問寺人勃鞞以畀趙衰

先說

事因使事起頭要接有力余謂守原政之大者也

主意所以承天子植

霸功致命諸侯

文勢見意已着寺人

不宜謀及媒近以忝王命

接有

力分開鋪叙見得出處應

而晉君擇大任不公議於朝而私議於宮

不博謀於卿相而獨謀於寺人雖或衰之賢足以守國

之政不為敗

正文公罪輕過了

而賊賢失政之端由是滋矣

上說

朝與宮下說卿相寺人下四句不合掌所謂  
異樣不俗承上說雙關回互○下字好輕過況當其時

不乏言議之臣乎

此一段生下句先理一句亦應卿相大抵如賞珠前既說不謀於卿相到

此說疏外狐偃為謀臣先軫將中軍

左傳二

十八年晉君疏而不咨

外而不求

下字

乃卒定於內豎

與媒近相應

其可以為法乎且

晉君將襲齊桓之業以翼天子乃大志也

與新政之大者

相應然而齊桓任管仲以興進豎刁以敗

史齊世家桓公既得管仲脩齊

國政桓公始霸管仲病桓公問誰可相者曰豎刁如何對曰自宮以適君非人情難親管仲死桓公不用管仲言豎刁專權公卒豎刁立公子則獲原啓疆適其始政

所以觀視諸侯也

文勢下字

而乃背其所以興跡其所

以敗引。意然而能霸諸侯者以土則大以力則彊以

到語壯

義則天子之冊也誠畏之矣烏能得其心服哉過好換

好文

回緩衰既是賢說到此正難解說故其後景監得以相

以土則大幾句見得有力回互好處

衛鞅

史本傳公孫鞅入秦因孝公寵臣景監以求見孝公以鞅為左庶長後封為商君

弘石得

以殺望之

緣他好誤了

誤之者晉文公也

趣上

嗚呼得

賢臣以守大邑則非失舉也蓋失問也

此一段餘意精神。又是一意

舉趙衰未為不然猶羞當時陷後代如此況於問與舉

是問寺人則非

又兩失者其何以救之哉精神余故著晉君之罪以附春

神

秋許世子止趙盾之義

外事結切。又是一個意綴結好。事見左昭十九年

楚議宛丘

楚雖三戶亡秦必楚楚人之志也而言卒驗何也曰殺人者必見殺虐人者還自虐自有覆載以來未有能免者何則天道也秦滅六國秦雖滅乎楚楚怨秦最深怨深者復之必力人事也此理之所必至也又何怪焉

韓信議宛丘

或問韓信服高帝乎余曰韓信為高帝將數年常將重

欽定四庫全書

古文集成  
卷七十三

三

兵滅大國而動以武涉蒯通之邪說信無所顧召之而  
至今之而行何為不服然則何為卒反余曰信服高帝  
之智力而不服其為人是反也然則何也夫信之反  
非重失楚也在夫偽遊雲夢而執之也夫偽遊雲夢之  
計是市井下俚之智而萬乘之主親行之此信所以快  
怏北面而薄其君以謂不足為其下也夫暴奪人之富  
貴而幽囚之欲使夫雄桀者帖然而無怨非服之以德  
屈之以理則不可夫以下俚市井之策而詐韓信彼身

可執心輕其上矣彼且問其計出於謀臣則君臣皆輕  
是不反何待然則為高祖者奈何必從夫反形明白乃  
明其罪引天下兵誅之耳信雖難制然不過數年而定  
一偽遊而縛韓信自爾出令天下誰敢信之歟

韓信議宛丘

自古士有所負而功名見於世者未嘗有肯以身輕就  
人者也何者彼輕就人者其規矩準繩將在彼矣夫如是  
則我之所有安得盡布之哉且保鎮鄒之利者不以試新

欽定四庫全書

古文書  
卷七十三

四

售和氏之璧者不以登門彼皆不求人而人自求之若不  
得已焉而後即之者亦自其理然也韓信當秦之亡天下  
之窮士也非有孔孟進退之節然蕭何獨察其非汲汲於  
求顯待之不厚禮之不至則不為用也故以高帝之倨必  
使之築壇齋戒備禮而後官之舉之三軍之下而加之諸  
將之上而不疑知不若是信將不滿而無留心矣諸葛亮  
戰國之策士也高卧於隆中其主就而後起而後能使劉  
備三分天下而伸於彊敵彼孫武求試兵法於宮人叔孫通



度上所能行而絕禮其事業功名卒以不顯有以也夫

平江南議

宛丘

余聞諸故老言樊若水不得志於李氏乃獻浮梁自采石濟江卒用其策取江南余嘗恨焉若水李煜之臣叛其主而來且不當受况獻策以滅其國乎是時藝祖西平巴蜀南朝吳越威德響震而李氏自周以來國威民懼亡可立待朝廷使沿江諸郡大治舟師順流而下由歷陽趨金陵李煜不足亡也何患無策而用此姦人叛

夫之計乎晉文不以原易信而諸侯服漢高帝斬丁公以正君臣之大義余謂當縛若水送李煜使甘心焉不然正其叛主之罪而誅之以示天下江南君臣當望風向義之不暇豈不諒乎偉哉惜乎當時在廷無為此言者也

救災議

南豐

東萊批

此一篇後面應得好說利害體

河北地震水災隳城郭壞廬舍百姓暴露乏食主上憂

憫下緩刑之令遣持循之使恩甚厚也

轉

然百姓患於

暴露

轉

非錢不可以立屋廬患於乏食非粟不可以飽

兩句  
綱目

二者不易之理也

此一段文字有操縱

非得此二者雖主上

憂勞於上使者旁午於下無以救其患塞其求也有司

建言請發倉廩與之粟壯者人日二升幼者人日一升

主上不旋日而許之賜之可謂大矣然有司之所言特

常行之法非審計終始見於衆人之所未見也

關鎖破  
前說

結前  
說

今河北地震水災所毀敗者甚衆可謂非常之變

也遭非常之變者亦必有非常之恩然後可以振之

應常

行字今百姓暴露乏食已廢其業矣使之相率日待二升

之廩於上則其勢必不暇乎他為

作文好散說

是農不復得

修其畎畝商不復得治其貨賄工不復得利其器用閒

民不復得轉移執事

開說文字暢

一切棄百事而專意於待

升合之食以偷為性命之計是直以餓莩之徒養之而

已非深思遠慮為百姓長計也

警策

以中戶計之戶為十

人壯者六人月當受粟三石六斗幼者四人月當受粟

一石二斗率一户月當受粟五石

下得好

難可以久行也

則百姓何以贍其後久行之則被水之地既無秋成之

望非至來歲麥熟賑之未可以罷自今至於來歲麥熟

凡十月一户當受粟五十石

算得分明

今被災者十餘州

以二萬戶計之中戶以上及非災害所被不仰食縣官者

去其半則仰食縣官者為十萬戶食之不遍則為施不

均而民猶有無告者也食之徧則當用粟五百萬石而

足何以辦此又非深思遠慮為公家長計也至於給授

之際有淹速有均否有真偽有集會之擾有辨察之煩  
厝置一差皆足致弊又羣而處之氣久蒸薄必生疾病  
此皆必至之害也且此不過能使之得旦暮之食耳

轉

其於屋廬構築之費將安取哉屋廬構築之費既無所  
取而就食於州縣必相率而去其故居雖有頽牆壞屋  
之尚可完者故材舊瓦之尚可因者什器衆物之尚可  
賴者必棄之而不暇顧甚則殺牛馬而去者有之伐桑  
棗而去者有之其害又可謂甚也今秋氣已半霜露方

始而民露處不知所蔽蓋流亡者亦已衆矣

警策

如不可

止則將空近塞之地失鬪戰之民此衆士大夫之所慮

而不可謂無患者也空近塞之地失耕桑之民此衆士

大夫所未慮而患之尤甚者也

結生下意  
結前生後

何則失戰鬪

之民異時有警邊戍不可以不增爾失耕桑之民異時

無事邊糴不可以不貴矣二者皆可不深念歟萬一或

出於無聊之計有窺倉庫盜一囊之粟一束之帛者彼

知己負有司之禁則必鳥駭鼠竄竊弄鋤耰於草茅之

中以扞游徼之吏

不重說盜賊文字有回互

強者既囂而動則弱者

必隨而聚矣不幸或連一二城之地有枹鼓之警國家

胡能晏然而已乎

回互

況今外有夷狄之可慮內有郊祀

之將行安得不防之於未然銷之於未萌也然則為今

之策

前說害自此以下說利

下方紙之詔賜之以錢五十萬貫貸

之以粟一百萬石而事足矣何則今被災之州為十萬

戶如一戶得粟十石得錢五千下戶常產之貲平日未

有及此者也

說利破有司說。獻策

彼得錢以完其居得粟以給



其食

應

則農得修其畎畝商得治其貨賄工得利其器

用閒民得轉移執事一切得復其業而不失其常生之

計與專意以待二升之廩於上而勢不暇乎他為豈不

遠哉此可謂深思遠慮為百姓長計者也由有司之說

則用十月之費為粟五百萬石由今之說則用兩月之

費為粟一百萬石

說利害  
分明

況貸之於今而收之於後足

以振其艱乏而終無損於儲峙之實所實費者錢五鉅

萬貫而已此可謂深思遠慮為公家長計者也

與前相  
應得劉

向文  
字體

又無給授之弊疾癘之憂民不必去其故居苟有

頽牆壞屋之尚可完者故材舊瓦之尚可因者什器衆  
物之尚可用者皆保而不失況於金牛馬保桑棗其利  
又可謂甚也雖寒氣方始而無暴露之患民安居食足  
則有樂生自重之心各復其業則勢不暇乎他為雖驅  
之不去誘之不為盜矣夫飢歲聚餓殍之民而與之升  
合之食無益於救災補敗之數此常行之弊法也今破  
去常行之弊法以錢與粟一舉而賑之足以救其患復

其業河北之民聞詔令之出必皆喜上之足賴而自安  
於畎畝之中負錢與粟而歸與其父母妻子脫於流離  
轉死之禍則戴上之施而懷欲報之心豈有已哉天下  
之民聞國家厝置如此恩澤之厚其孰不震動感激悅  
主上之義於無窮乎如是而人和不可致天意不可悅  
者未之有也人和洽於下天意悅於上然後玉路徐動  
就陽而郊荒夷殊陬奉幣來享

文疆內安輯里無驚聲

豈不適變於可為之時消患於無形之內乎此所謂審

計終始見於衆人之所未見也結不早出此或致於一

有枹鼓之警則雖欲為之將不及矣或謂方今錢粟恐  
不足以辦此夫王者之富藏之於民有餘則取不足則  
與此理之不易者也故曰百姓足君孰與不足百姓不  
足君孰與足蓋百姓富實而國獨貧與百姓餓殍而上  
獨能保其富者自古及今未之有也故又曰不患貧而  
患不安此古今之至戒也是故古者二十七年耕有九  
年之蓄足以備水旱之災然後謂之王政之成

前食  
貨志唐

水湯旱而民無捐瘠者以是故也

上同

今國家倉庫之積

固不獨為公家之費而已凡以為民也雖倉無餘粟庫無餘財至於救災補敗尚不可以已況今倉庫之積尚可以用獨安可以過憂將來之不足而立視夫民之死乎古人有言曰剪爪宜及膚割髮宜及體先王之於救災髮膚尚無足愛況外物乎且今河北州軍凡三十七災害所被十餘州軍而已他州之田秋稼足望今有司於糴粟常價斗增一二十錢非獨足以利農其於增糴

一百萬石易矣斗增一二十錢吾權一時之事有以為之耳以實錢給其常價以茶茻香藥之類佐其虛估不過捐茶茻香藥之類為錢數鉅萬貫而其費已足茶茻香藥之類與百姓之命孰為可惜不待議而可知者也夫費錢五鉅萬貫又捐茶茻香藥之類為錢數鉅萬貫而足以救一時之患為天下之計利害輕重又非難明者也顧吾之有司能越拘攣之見破常行之法與否而已此時事之急也故述斯議焉



古文集成卷七十三



欽定四庫全書

古文集成卷七十四

宋 王震震 編

前癸集五

議

舉逸民議 劉龍雲

探射隱伏妄意必得是前識者之詭性也要之以達道  
則躋矣賤近貴遠比所從說是小智者之私嬰也槩之  
以公心則屈矣古之人於賢者有一言焉必曰求乎云

爾而未始置疑於前識小智則非以夫幽必詣遠必索  
然後顯乃可用近乃可得故邪斯舉逸民之意也蓋賢  
者退藏於深渺如罩罩之魚未易得也潔白不污如皎  
皎之駒不徒來也應而非曲徇也出而非虛覲也翔而  
非苟集也永矢以逝而非不得已也彼將臣之必先賓  
之彼有饋焉必曰獻焉則何世而無逸民哉則亦無時  
而不舉矣竊嘗謂潛德之士如五噫之梁鴻三黜之下  
惠無適而不有彼惟耻與世俗子浪自沽激規中糈末

利轉徙蠻觸之域是以蟬蛻囂埃謝緣人封而在上者  
或不得而知之知之或不得而如審非必高逝獨往皆  
投淵洗耳徒也亦猶古人藏畔埋民自謂陸沉則豈率  
在寬閑之野寂寞之濱也邪然人君之求之也不異乎  
衆而直取之寡不豐昵狎邇而先諸振拔之所不逮釋  
此稔熟之後塵佇彼方馳之來軫則亦逸民者誠在所  
急故也時無有莘之躬耕則三往之幣聘為虛禮人非  
傅巖之操築則惟肖之物色為徒飾必有臧丈人之賢

然後可載而與之俱必有南陽之高卧然後可以起而與之共事彼漢之君嘗知此矣至其久也弊卒乘焉武帝始以蒲輪迎枚生見主父偃而嘆息然猶不免有方朔之尚容光武委禮於故舊之嚴光勢適然爾未見有助也而樊英楊厚之徒激其頽波至三閔順帝之聘而不少屈李固朱穆以謂處士純盜虛名良亦有由也至於唐人則殆又甚焉士之既文而不既實非士成綺則公文軒之比也徇物而不徇己非南榮趯則滿苟得之

類也李渤隱少室韓愈詆以索價高而終南嵩少區區窮絕之域至號仕途捷徑逸民之弊一至於此彼孔子所謂天下之民歸心焉果若是乎國家由祖宗以來士之蔭長松而藉豐草伍猿鶴而輩鹿豕以逸民自占者時有人焉如楊朴种放輩或召而不至或至而爵不留故大中祥符之制曰頒一尺之詔方俟於來庭馳駟馬之車未聞於戒道其急得人乃如是聖上側席異人惟恐弗及譬猶剖璞窮崖洗去埋蝕披豹蒙霧發彼幽姿

欽定四庫全書

古文蔚成  
卷七十四

三

下取文木之殫殘更增青黃之新飾往歲至有徒步由處士而起穎陰者未能閱歲旋見躡文石摩螭頭而廁侍從之列矣士於斯時翕然嚮慕甚於遠壑之赴隆墀一何盛哉迨今蓋歷稔矣卒未有嗣其後者豈遂無其人邪且技癢之卜肆不無拔俗之君平末業之魚鹽時有晚出之膠鬲則况萬里之海隅乎直求之未悉爾然賢者耻於自進則惟恐人知而未嘗從人而求知緩於必得則惟恐利合而未嘗赴人而合利東海之濱有賢

人焉吾得而知之然後舉北海之濱有賢人焉吾得而知之然後舉則是知之每審而舉每隨之也既已舉之則賢否不待較而明矣方復曹搜伍比角之以無益之空文則猶科舉若也彼來游來歌者能勿望望而驚乎前日之敦遣是已為今之說也莫若於每歲之終縣委之令而舉諸守州委之守而舉之監司監司於是乎舉而升諸朝朝委二三執政大臣相與諏逮而稽察之信乎其不竅於實也然後即其地給傳遣行亦若古人之

所謂勸駕之為者率一道無一人焉雖勿舉可也率數人而聚一道雖遍舉之亦可也及其用也然猶視是人適事之材否而加舉者之懲勸焉則奇偉拔出之士宜有出而應上之求矣齊之紂楚之綯會稽之竹箭豫章之金鐵陳夏之髹漆窮已之文梓阿井之沉液與夫丹砂赤箭或生蠻蜒或產儋耳初非近人也惟其人近之是以中國無一物之缺而富家巨室卒取盈焉又況於逸民者乎顧上之人所求如何耳



武功爵議

龍雲

漢高帝提孤劍起豐沛轉戰數百以至摧項籍有天下  
諸將力也嘗觀夏侯絳灌之屬披荊棘沫霜露用力為  
多而爵之酬也方在一二計城而十百累級也平陽舞  
陽視諸將功居最至由中涓列大夫積數年僅得徹侯  
曾不如黥韓輩計日而王指土而食也由是言之爵賞  
固自有次第哉無隙可投無巖可抵則辯者膝口而耻  
說之不見售卧鼓鞭弓無與為敵則悍者揚笊氣鷙右

武而憤力之不得行與夫挂功宿名之士喪元沒齒而不自以為悔則彼誠有以毆之故也然則漢之議臣請置賞官名曰武功賞爵者豈得為無謂乎蓋勇遺身後者要資可得而去不以力殞者兆域無從而入死且有激生亦宜然春秋之法與楚者固有不一而足則況積閱之戰士乎昔秦石權尚霸挈國以呼功利孝公接之商君業之舉其民而頓之必爭之地則武功爵其兆也秦人不愛殊死以饗大利今日之陷鋒膏鏑長為不反

之腐黝是乃前日之饗名殊死而拔自上造者也欲使  
之無死得乎哉蓋其法斬一首賜爵一級欲為官者五  
千石自公士簪褭循緣而上以至徹侯等為二十視功  
孰多迎受其至譬猶堂有九陛禮每有加則取等而進  
無不可者故秦卒以并諸侯一天下則斯爵蓋與有力  
也高帝之始法制搶攘文景因之時惟息肩斯爵不暇  
講勢則然矣比及孝武承奕世之烈奮毒民之武恚彼  
胡馬之數窺臨以衛霍之飛將南剪勁越北却天驕于

襄即序之美僅追一二而中國之罷耗與虜略相當矣  
彼議者因縣官之轂也乃始請置賞官則賞官之設不  
獨純寵戰士而止爾利在五千人也彼抑孰知古人  
抑縱推挽更自有術而初不止是邪後世弗究其實一  
切煩為號名爵列以啓夸跋之隙於是勲階乘之而柱  
國開府之號每為亟獎則彌非舊矣又況若騎都尉關  
內侯而方之爛羊者乎昔祖宗西取巴蜀南尅嶺表吳  
會荆巫以次俱下最後殄并汾撫江左以截九有神武

之所震疊如屈伸肘唯所欲加則武功爵雖未始或用固不害其為賞功也雖然戰功曰多在司勲固所不廢而昔人之兵法使貧與焉使其終身長不離故處則無慮悉掉臂引去為閭巷自好人也尚誰肯甘長勞而驚危道乎此武功爵宜在所急也若乃賞不視勞爵不酬能則鬪士體已解矣方復掇拾煩委之號名一切紛更之為彼不旋日而徼利者果可欺以美觀乎不幸功狀晦曖忤心之將方得快私欲於一日之去取虛名未移

而實效旋廢是重失衆望未見能飽其貪志者也則漢人之議疑若可緩矣昔之人一避螳怒而士氣百倍一投單醪而衆舉厭足危事之譏固有作其真情者彼所謂爵賞特外之一助耳况號名乎亦因時之宜比次而已矣何必秦

復園土議

龍雲

先王以君子長者之道待天下而欲人之相與適其當也初無意於用刑不幸天下之人時有不出乎善人之

途而後刑將不免則先王於是又有不忍之心加焉猶  
曰姑教之而勿殺也斯大司寇以圜土聚教罷民之意  
歟說者曰圜主規規主仁蓋以仁本刑者圜土是已傳  
曰唯強而有力者能行禮然則不能行禮者罷民是已  
必於罷民言不能行禮則以嘉石之所平者知之故也  
彼民之生天地實囿其形則疑若有拘而無肆矣其或  
不能強力是自棄也不能由禮是自放也放棄之民唯  
收乃可則彼將更自取囿而以拘即拘者也是何時而

輒肆邪雖欲無怵乎圜土不可得矣不力於事散徙弗  
常則大司寇於是乎言聚之矣一身之至約而莫知孰  
置則大司寇於是乎言寘之矣潰如湍水逸如放豚則  
司圜於是乎言收之矣往而不返流而不止則司救於  
是乎言歸之矣是圜土之本末也雖然大司寇之所施  
盖亦有序焉坐諸嘉石役諸司空聚之圜土如是而已  
禮之為物譬火在木因鑽顯照棄也弗取是誰之過歟  
石無知物也且以嘉獲名可以人而不如石乎桎梏之




所取是在我也使能知此則先王尚焉取而坐之乎坐之而猶以為不足於是又繼之以司空之役矣夫生以勞矣又況以故取勞哉不為賢已辱矣徒以不能禮而重取辱孰若以禮自克使能知此則先王尚焉取而役之乎役之而猶以為不足於是又繼之以圜土之聚教矣先王之於民惡夫置之而不恕然又惡夫恕之而不置也不教而誅仁則吾不知也教之不從而不誅義則吾不知也圜土之法施職不如耻之明刑改而反于國

中猶三年不齒與夫不能改而出園土者殺是殆所謂  
仁矣而卒不害其為義歟仁遠乎哉義在其中矣義遠  
乎哉禮名其中矣雖然請因卒其緒說焉嘗以謂禮刑  
相為表裏者也禮之所去是刑之所取彼其拘之乃終  
將愛之也其教之也幡然改而知禮則良知良能不鏖  
於形盤體肆之偽而放僻邪侈之習斯遠矣其教之也  
幡然改而行禮則力不敢身自愛情不敢家自戾向也  
愚者之所病不肖者之所拘今也可得而搏節矣夫如

是則勇鬪好犯之氣弭而和樂豈弟之風移一旦擇吉地而投足一旦有涯而尊生彼挂身刑禍之肆而為世大戮者尚誰乎此先王之時所以有賴於園上為不少而卒之以刑措不用歟故曰禮禁將然之前法施已然之後豈虛言哉末世尅核太至仁不下逮其所以俟民者略方復一切羅取瑕釁僅如析毫洗垢而麗人之辟往往傍及於遷就不辜至號其獄為虎穴則慘亦甚矣語曰畫地為牢義不入亦所居之勢然也然其園土之

法其可復於今乎曰道德弗明教化弗行悍民之幸愿民之不幸雖煩為刑禁猶不足以督不勝之奸宄况圜土乎脫以謂必復圜土然後慊則今之犯流而加役與夫命城曰牢者去圜土蓋亦無幾矣尚焉取而復之乎唯上之人講修所以憫怜元元之道謹防範明分守相與趨嘉會之適而一切接以繁然之至文則禮俗成刑斯省矣何必一二而追先王之迹哉是以孝文太宗之治而斷獄數百幾致刑措則况休明之盛際乎



古文集成卷七十四

欽定四庫全書

集部

古文集成卷十五至

詳校官中書臣沈 飏

助教臣常循覆勘

總校官檢討臣何思鈞

校對官助教臣卜惟吉

謄錄監生臣金 特

欽定四庫全書

古文集成卷七十五

宋 王震震 編

前癸集六

問對

對楚王問

依數齋批點

增五臣註解 宋玉

數齋批

此篇設辭先論曲彌高而和彌寡後以鳳凰鯢魚自喻其行能而王不能用也

楚襄王問於宋玉曰先生其有遺行與何士民衆庶不譽之甚也宋玉對曰唯然有之願大王寬其罪使得畢



其辭客有歌於郢中者其始曰下里巴人國中屬而和

者數千人其為陽阿薤露國中屬而和者數百人其為

陽春白雪國中屬而和者不過數十人選本有而已二字引商

刻羽雜以流徵國中屬而和者不過數人而已選本无此二字

。翰曰下里巴人下曲名也陽春白雪高曲名也是以其曲彌高其和彌寡故

鳥有鳳而魚有鯢自喻鳳皇上擊九千里絕雲霓負蒼天

選有足亂浮雲四字翱翔乎杳冥之上夫蕃籬之鷦豈能與之料

天地之高哉銑曰蕃籬蒿草之屬鷦小鳥也言棲於蕃籬之上豈能料計天地之高速哉玉自喻

高才人安能知之乃肯輒自為聲譽鯤魚朝發崑崙之墟暴靈也鬻於碣石

暮宿於孟諸夫尺澤之鯢豈能與之量江海之大哉翰曰

孟諸大澤名尺澤小水也鯢小魚名故非獨鳥有鳳而魚有鯢也士亦有

之翰曰言亦有大才不可識知者夫聖人瑰意琦行超然獨處夫世俗

之民又安知臣之所為哉

對禹問 昌黎

數齋云 此篇論禹以傳子為慮後世

或問曰設辭堯舜傳諸賢禹傳諸子信乎曰然然則禹之

賢不及於堯與舜也歟曰不然堯舜之傳賢也欲天下之得其所也禹之傳子也憂天下爭之之亂也堯舜之利一作慮民也大禹之慮民也深曰然則堯舜何以不憂

後世曰舜如堯堯傳之禹如舜舜傳之得其人而傳之堯舜也無其人而不傳慮其患而不得如已者一云慮其患而

不傳者禹也舜不能以傳禹堯為不知人禹不能以傳子

舜為不知人堯以傳舜為憂後世禹以傳子為慮後世曰禹之慮民也則深矣傳之子而當不淑則奈何曰時

益以難理傳之人則爭未前定也傳之子則不爭前定也前定雖不當賢猶可以守法不前定而不過賢則爭且亂天之生大聖也不數其生大惡也亦不數傳諸人得大聖然後人莫敢爭傳諸子得大惡然後人受其亂一作禍禹之後四百年然後得桀亦四百年然後得湯與伊尹湯與伊尹不可待而傳也與其傳不得聖人而爭且亂孰若傳之子雖不得賢猶可守法曰孟子之所謂天與賢則與賢天與子則與子者何也曰孟子之心以

為聖人不苟私於其子以害天下求其說而不得從而為之辭

晉問八首 柳子厚

迂齋批

晉國之美多矣自山河而兵自兵而馬曰木曰魚曰鹽一節細如一節至於晉

文公之霸業盛矣然以道觀之亦何足貴却有一項最可貴者曰堯之遺風也至此則前面所舉可以盡廢此是善占地步一着最高者特地留在後面說譬如賈人之善售物者必不肯先將好底出來

吳子問於柳先生曰

吳子吳武陵先生子厚自謂

先生晉人也晉之

故宜知之

故字下一本有封字者因下文而誤

曰然然則吾願聞之可乎

曰可晉之故封太行掎之

掎舉綺切偏引也

首陽起之黃河迤

之

潘云迤演爾切邪行也字亦作迤

大陸靡之

大陸澤名靡曼也

或魏而高或

呀而淵

呀虛加反張口也

景霍汾澮以經其壩

晉語注景大也霍山在河東汾

澮水名潘云汾符分切澮古外切壩而宣切在河邊地

若化若遷鈎纓蟬聯然後

融為平川而侯

晉之都居大夫

韓趙之邑建焉其高壯

山則騰突撐拒

撐抽庚切拄也拒捍也

聲岬鬱怒

聲五交切語不入岬許加切山

深兒與嶺同谷中大空

若熊羆之咆虎豹之嘑

音蒙

終古而不去攫

秦搏齊

攢厥縛切

當者失據燕狄惴怯若卵就壓振振業業

觀關蹠戶惕若僕妾其按衍則平盈旋緣紆徐夷延若

飛戢

爲同余專切

之翔舞洄水之容與以稼則碩以植則茂

以牧則蕃以畜則庶而人用是富而邦以之阜其河則

濬源

河

崑崙入于天淵出乎無門行乎無垠自匈奴而

南以介西鄙衝奔太華

山在晉之西

運肘東指混潰后土潰

濁糜沸

潰音汾又房吻切

鼉鼉詭恠于汨汨騰倒馱

音佚

越委

泊涯涘呀呬欬

呼合切

納摧雜失墜其所盪激則連山參

差廣野環裂轟雷怒風撼

戶敢切

鴿

諸韵无本作領

于

屺音屺

瀟石

之所轉躍大木之所擢拔

披朋切

泔

白明切

洞踏者彌數

千里若萬夫之斬伐而其舳舻之所負撞

傳江切

檣之所

御鱗川林壑隳雲遁雨瞬目而下者榛榛沄沄百舍一

赴若是何如吳子曰先生之言豐厚險固誠晉之美矣

然晉人之言表裏山河者備敗而已

左僖二十八年子犯曰云云

非

以榮觀顯大也吳起所謂在德不在險皆晉人之藉也

史吳起傳

願聞其他



先生曰大鹵

音魯太原  
晉陽縣

之金棠谿

屬秦州

之工火化水淬

器備以充為棘

即戟字

為矛為鍛

音殺長矛

為鈎為鐔

音鐔

為鏃

侯二音夫名

出太白徵蓐收召招搖伏虫尤肅肅褊褊

山宜切一

作合衆靈而成之博者狹者曲者直者歧者勁者長者

短者攢之如星奮之如霆運之如縈浩浩奕奕淋淋滌

滌熒熒的的若雪山冰谷之積觀者膽掉目出寒液當

空發耀英精互繞晃蕩洞射天氣盡白日規為小

語極工

鑠雲破霄跼

音牒用字工  
見馬援傳

墜飛鳥弓人之弓函人之甲

膠角百選犀兕七屬

音注見考工記

乃使跟超掖夾

音扶

之倫服

而持之南瞰諸華北讐羣夷技擊節制

荀子齊之技擊威文之節制

聞於天下是為善師延目而望之固以拳拘喘汗免胄  
肉袒進不敢降退不敢竄若是何如吳子曰夫兵之用  
由德則吉由暴則凶是又不可美觀也先軫曰師直為  
壯曲為老

左宣二十二年

況徒以堅甲利刃之為上哉

先生曰晉國多馬屈焉是產

馬。左傳所謂屈產之乘。僖二年

土寒氣

勁崖坼谷裂草木短縮鳥獸墜匿而馬蕃焉師師兢兢

音誦

進也溶溶紘紘

音雷

或赤或黃或玄或蒼或淳

或駢

莫江切

駢然而陰炳然而陽若旌旃旂幟之煌煌乍

進乍止乍伏乍起乍奔乍躡

音致

若江漢之水疾風驅濤

擊山盪壑雲沸而不止羣飲源槁工迴食野赭浴川感

浪噴震播灑

音洒

潰潰焉若海神駕雪而來下觀其四散

愴

齒兩切

悅

許往切

開合萬狀喜者鵲厲怒者人搏決然

坐躍千里相角風駿霧鬣斲

音燭

山扶壑耳搖層雲腹捎

衆木寂寥遠遊不夕而復攬地跳梁堅骨蘭筋交頸互

齧鬬目相馴聚洩更噓昂首張斷其小者則連牽繳繞

仰乳俯齧

下沒切

蟻雜螽集啾啾淅淅

七立切上林賦淅淅鼎沸注謂水激

也旅走叢立其材之可者收斂攻教掉手飛縻指毛命

物百步就羈牽以荀息

谷梁僖二年荀息牽馬操壁

御以王良

孟滕文下

趙簡子使王良與嬖奚乘

超以范鞅

左哀二十三年

軒以欒鍼

左成十六年晉楚遇于鄢

陵步毅御晉厲公欒鍼為右欒范以其族夾公行陷於綽鍼乃掀公以出云云。逐一看出它用字

以佃

以戎獸獲敵摧若是何如吳子曰恃險與馬者

左昭四年子

不聞乎故曰冀之北土馬之所生是不一姓請置此而

新其說

先生曰晉之北山有異材

木

梓匠工師之為宮室求大

木者天下皆歸焉仲冬既至寒氣凝成外凋內貞瀋

昌枕

也切

液不行乃堅乃良萬工舉斧以入必求諸岩崖之

欹傾礧壑之紆縈凌巔

徂九切

岿吾官切

之杪顛漱泉涯之

淦

古南切

潛

音營

根絞恠石不土而植千尋百圍與石同色

羅列而伐者頭抗河漢刃披虹霓聲振連巒梯

音肺古廢切木

也札填層谿丁丁

中莖切

登登礧礧

呂唐切

稜稜若兵車之乘

凌其響之所應則潰潰漰漰洶洶薨薨若騫若崩若螭

龍之鬪風霆相騰其殊而下者札嶮捎殺摧崒

昨沒昨律二切

垓

於浪倚黨二切塵也

北

音軋

霞披電裂又似共工觸不周而天柱

折

史三皇紀伏羲末年諸侯有共工氏任智刑以強霸與祝融戰不勝而怒頭觸不周山崩天柱折

鷗

鸛鷺鷦

昆灌秋倉

號鳴飛翔

勅俱切

豸

音岸

虎兕奔觸訾慄伏

無所入遯無所脫然後斷度收羅捎危顛芟繁柯乘水

潦之波以入于河而流焉盪突肆

卽兀切肆兀危石也

兀轉騰冒

沒類秦神驅石以梁大海抵曲鱗感匯

音會

流雷解前者

汨越後者迫隘乃下夫龍門之懸水摺拉頽踏粹

昨沒切

首軒尾湏

胡動切

入重淵不知其幾百里也濤波之旋滔

山觸天既停既平彌望悠焉良久乃始昂屹涌溢挺拔

而出林立峯崿穿雲蔽日渙然自撓復就行列渾渾而

去以至其所唯良工之指顧叢臺

趙武靈王起叢臺見選東都賦注

阿

房

始皇紀

長樂未央建章

並漢宮名

昭陽

殿名見選西都賦注

之隆麗詭

特皆是之自出若是何如吳子曰吾聞君子患無德不

患無土患無土不患無人患無人不患無宮室患無宮

室不患材之不已有先生之所陳四累之下也且褫

音斯

福也初既成諸侯叛之

左昭十三年

先生曰河魚之大

魚

上迎濤波羅壅津涯千里雷馳重

馬輕車遂以君命矢而縱觀焉

矢用左傳中字縱觀用西漢書字

大畧

斷流脩網亘山罩

都教切四物皆魚罟

留

力九切

罍

張衡西京賦設罍罍注云魚網

也音獨鹿唐韵古賣切又胡卦切皆不說是魚網今上文四物皆是魚網當音獨鹿

麗

音鹿織社其

間巨舟軒昂仡仡迴環水師更呼聲裂商顏於是鼓譟

沓集而從之扼龍吭

戶郎切

拔鯨鰭

音者

戮白黿逐毒螭叱



馮夷立水湄攪攪流離掬縮推移梁會網感騰天彌圍

掉蹕擁踴以登夫歷山之垂如川之歸如山之崔

字亦作摧

如雲之披其有乘化會神振拔漣淪擣竒文出恠鱗騰

飛濤而上逸生電雷於龍門者猶仰綸飛繳

音灼

頓踏而

取之莫不脫角裂翼呀

虛牙切

嚇

音赫

匍匐復就嚮切莫保

龍籍甘糅

女救切

五味布列雕俎風雲失勢沮散遠去若

夫魛魛

音緇

鮪鯉鰻鱧

音禮

魴鰈

音叙

上聲

之瑣屑蔑裂者夫固

不足悉數漏脫紘目養之水府而三河之人則已填溢

饜飫腥膏舄鹵聞膾炙之美則掩鼻感頰賤甚糞土而  
莫顧者也若是何如吳子曰一時之觀不足以夸後世  
口舌之味不足以利百姓姑欲聞其上者

先生曰猗氏之鹽晉寶之大也

左成六年云

人之賴之與穀

同化若神造非人力之功也但至其所則見溝塍畦畹  
之交錯輪囷若稼若圃敞兮勻勻渙兮鱗鱗邈瀾瀾

音紛

屬不知其垠俄然決源醜

山宜切

流交灌互澍

注樹二音

若枝

若股委屈延布脉寫膏浸漑

即入切

濕滑汨彌高掩庠漫

平聲 隴冒塊決決沒沒遠近混會抵值提防潒伊盈切瀛霈

潒水聲偃然成淵潒音莽然成川觀之者徒見浩浩之水而

莫知其以及神液陰澆甘鹵密起孕靈富媪不愛其美

無聲無形燦結迅詭回眸一瞬積雪百里語到晶晶胡了切

纂纂音密奮債離析鍛圭槌壁眩轉的皪乍似隕星及地

明滅相射冰裂電碎龍洛孔切從子孔切見增益大者印

纍小者珠剖形容涌者如坻坳者如缶日晶音精熠煜螢

駭電走亘步盈車方尺數斗於是裒歛合集舉而堆之

皓皓乎懸圃之巍巍皦乎

戈沼切

乎狂山太白之淋灑

駭化變之神奇卒不可推也然後驢

音羸盧戈切

牛馬之

運西出秦隴南過楚鄧北極燕代東逾周宋家獲作鹹

之利人被六氣之用和鈞兵食以征以貢其賚天下也

與海分功可謂有濟矣若是何如吳子曰魏絳之言曰

近寶則公室乃貧

左成六年

豈謂是邪雖然此可以利民矣

而未為民利也先生曰願聞民利吳子曰安其常而得

所欲服其教而便於已百貨通行而不知所自來老幼

親戚相保而無德之者不苦兵刑不疾賦力所謂民利  
民自利者是也

先生曰文公之霸也

霸

援秦破楚囊括齊宋曹衛解裂

魯鄭震恐

左僖二十七年二十八

定周于溫奉冊受錫

僖二十五年二十八

年

夾輔糾遯以為侯伯齊

側皆切

盟踐土

見上注

低昂玉帛

天子恃焉以有諸侯諸侯恃焉以有其國百姓恃焉以  
有其妻子而食其力叛者力取附者仁撫推德義立信  
讓示必行明所嚮達禁止一好尚春秋之事公侯大夫

策文馬馳軒車出入環連貫于國都則有五筵之堂九

几之室大小定位左右有秩禽牢餼饋交錯文質饗有

嘉樂宴有庭實登降好賦犧

素何切

象皆尊名

畢出犒勞贈

賄率禮無失六卿理兵

左僖二十七年

大戎小戎鍾鼓丁寧以

討不恭車埒

音劣

萬乘卒半天下鼓之則震旆之則畏其

號令之動若水之源若輪之旋莫不如志當此之時咸

能驩娛以奉其上故其民至于今好義而任力此以民

力自固假仁義而用天下其遺風尚有存者若是可以

為民利也乎吳子曰近之矣然猶未也彼霸者之為心也引大利以自嚮而撓他人之力以自為固而民乃後焉非不知而化不令而一異乎吾嚮之陳者故曰近之矣猶未也

先生曰三河古帝王之更都焉

史年表晉阻三河

而平陽堯之

所理也

通歷堯都平陽

有茅茨采椽土型之度故其人至于今

儉嗇有溫恭克讓之德故其人至于今善讓有師錫僉曰疇咨之道故其人至于今好謀而深有百獸率舞鳳

皇來儀於變時雍之美故其人至于今和不怒有昌  
言儆戒之訓故其人至于今憂思而畏禍有無為不言  
垂衣裳之化故其人至于今恬以愉此堯之遺風也願  
以聞於子何如吳子離席而立拱而言曰尊堯之至美  
故如此

矣善矣其蔑有加矣此固吾之所欲聞也夫儉則人用  
足而不淫讓則遵分而進善其道不鬪謀則通於遠而  
周於事和則仁之質戒則義之實恬以愉則安而久於  
其道也至乎哉今主上方致太平動以堯為准先生之



言道之奧者若果有貢於上則吾知其易易焉也舉晉國之風以一諸天下如斯而已矣敬再拜受賜

齊司寇對

程晏

齊境多寇司寇不理景公召司寇讓之反諍公曰請理君朝廷之寇也公曰君廢其職反責我欲亂其責也曰不然君不聞鼯鼠之牙乎食人與百類雖嚙盡而不痛俗謂之甘口鼠也魯國之牛聞食其角矣請以是諷焉牛之寢齧有蚊蚋撓其膚毛必知鼓耳搖尾以揮之及

鼯鼠食之即不知痛也鼠之一牙豈不甚於蚊蚋千嗜乎以其口甘雖貫心徹骨而不知也況其角乎公誠職臣以司寇請司朝廷之寇然後司封疆之寇也朝廷之寇其鼯鼠乎食君之角矣又將貫骨與心也是患大而君不知也封疆之寇蚊蚋乎但撓君之膚毛耳君將鼓耳搖尾以揮之是患小而不知大也臣所以急其大而不知慢其小而得知也景公不喻竟坐司寇以不事晏子曰司寇死田氏為鼯鼠於齊矣

寒泉子對秦惠王

陸龜蒙

寒泉子

秦之處士

見秦惠王曰客有自趙來以約從連橫事

說大王者為誰惠王曰東周人蘇秦也寒泉子曰事十  
上王弗聽有之乎曰然其道如何王耶霸耶曰默其霸  
以濟王乎曰然則何上書之煩而用之踈乎惠王曰醢  
雞不能混雷霆嬰兒不能抗烏獲者嚮與力懸絕故也  
蘇子誠辯矣安能以三寸舌謀山東諸侯使西面朝秦  
者乎寡人非不知不破一領甲不折一隻矢之為利也

顧其猶捕風耳諸侯不可一非一朝也齊桓晉文之伯也始若膠附終若冰坼豈連雞不能俱上於棲而已哉寡人塞耳義弗聞寒泉子曰不然夫齊荆三晉之人病於兵久矣方城之金十九為兵一為鑄鉞董澤之蒲十九為幹一為箕其父子兄弟之血前後濺野草齊魂為燕氛趙骨化魏土悽痛之聲入金石出絃匏聞之者悄感酸骨泣不自禁一旦有人謂曰朝與秦連衡暮得怙怙安卧秦亦馭戰雖鼓牙頰未能吞諸侯秦休而彊吾

亦勇而奮矣設有辯口安能反覆乎大王不用秦詔一  
武士斷其頸無令車輪輾闕下土使東諸侯聞其言從  
散衡敗東向以背秦王出則奪氣入則包羞及其殆也  
披土地以奉讎國獨不念秦仲之業艱難寒泉子耕於  
鄙趙即封蘇季子為武安君六國果奉教秦閉闕十五  
年

古文集成卷七十五